

natura habetur Spiritus Sanctus, quam eius dona, de quibus omnibus, lege Caietanum in primam partem Sancti Thomae. & Franciscum Ferraricem quarto lib. contra Gent. & Lichetum in presenti distinctione, & Syluestrum de Prierio in primo volumine sui Confatus.

*Distinctio Quintadecima & sextadecima.*

**I**n his duabus distinctionibus habetur octo conclusiones quarum prima est, ratio missionis consistit in duplici habituine seu respectu, ista est clara ex prima parte, & ratio est quia missio importat habituinem missi ab illo a quo mittitur, & B etiam aliam habituinem ad locum ad quem mittitur, igitur conclusio vera, attamen cadit sub opinione, quia Aureolus eam impugnauit in hoc libro distin. 15. Volens missionem esse quandam legationem, & missum dici legatum, verum deceptus est quia quomodocumque sumatur semper importatur in ipsa ille duplex respectus.

Secunda conclusio est. Missio conuenit Diuinis personis, ista est de fide, & habetur Ioannis. Non sum ego solus, sed ego & qui misit me Pater, & ad Galatas quarto, Misit Deus Filium suum &c. & Ioannis, Paraclitus quem mittet Pater in nomine meo, & alibi, mittam eum ad vos &c.

Tertia conclusio est. Missio de sui ratione differt a processione, & a datione, ista patet ex prima parte, quia processio dicit realem distinctionem tantum ad principium a quo procedit, & non ad aliquem terminum, datio autem non, quia idem potest dare seipsum, Missio vero dicit duplicem illum respectum, ut habetur in prima conclusione primi, sed nota hic. Quod Missio est multiplex vel secundum Imperium, sicut Imperator mittit duces exercitus, vel secundum Consilium, ut Senatus mittit Regem ad aliquod operandum, vel secundum originem, ut flos mittitur ab Arbore.

Quarta conclusio, soli Patri in Diuinis repugnat Missio, patet ista ex presenti distinctione, & cadit sub opinione, quia Lichetus de mente Scoti videt eam hic impugnare, quia mittere, & mitti sunt relatiua &c. sed decipitur, quoniam est opinio Magistri hic quod mitti conuenit tantum personis productis, mittere vero personis producentibus, & cum Pater a nullo sit, ut ait Athanasius, propterea ei nullo pacto conuenit missio. & si improprie loquendo dicere possumus conuenire ei quandam uenitionem secundum mentem iuxta illud Ioannis. ad eum uenimus, & apud eum mansionem faciemus, hoc enim conuenit toti Trinitati, quae inhabitat Iustum secundum gratiam gratum facientem, & sic patri conuenit, sed non mitti, quia non est ab alio, licet conueniat ei inhabitare per gratiam.

Quinta conclusio, Mittere personam diuinam proprie conuenit Patri, & Filio, sed minus proprie conuenit etiam Spiritui Sancto. docet ista Sanctus Thomas prima parte, & est Augustini Secundo de Trinitate, & est certa, & de facto, quia cum aliqua persona dicitur mitti, significatur ipsa persona ab alio existens & effectus in creatura, si igitur mittens designatur ut principium personae missae sic mittere soli Patri & Filio conuenit, qui soli sunt principium alterius personae, & hoc est proprie mittere,

A si autem mittens designatur esse principium effectus sic conuenit etiam Spiritui Sancto, quia tota Trinitas causat effectum in creatura, & hoc modo etiam Filius dicitur mittere se, sic & Spiritus Sanctus mittit se ipsum, & adde hic per dominum Guelielmum Altisiodorensem libro primo, quod missio Filij est triplex, una secundum quam mittitur in corde fidelium, & secundum illam a solo patre mittitur, alia est qua missus est in carnem, & secundum etiam istam etiam missus est a solo patre, tertia est secundum quam fuit missus ad predicandum iuxta illud, ad annuntiandum manfuerit misit me Dominus, & iuxta istam missionem missus est a tota Trinitate, &c.

Sexta conclusio. Missio Filij distinguitur a missione Spiritus Sancti: ista est de facto, & patet ex hoc quia generatio Filij distinguitur a processione Spiritus Sancti, & est de fide, ut habetur Ioannis. Rogabo Patrem meum, & alium paraclitum dabit uobis &c. Nam processio filij attenditur secundum actionem intellectus, processio Spiritus Sancti uero secundum actionem uoluntatis, ergo processiones distinguuntur, sic etiam & missiones, unde missio Filij attenditur, secundum illa dona quae pertinent ad intellectum, docet Augustinus quarto de Trinitate. Tunc Filius mittitur cum cognoscitur actu quo percipitur ab alio, ut habetur sapientia. mitte illam de caelis Sanctus tuis, & a sede magnitudinis tuae &c.

Septima conclusio, Aliquando istae duae processiones conueniunt quantum ad effectum, aliquando differunt: hanc docet Sanctus Thomas prima parte, & ratio est quod si missio importat originem sic istae duae processiones distinguuntur, quia processio Filij dicitur generatio, processio Spiritus Sancti dicitur spiratio, si uero loquamur quantum ad effectum, sic istae duae processiones seu missiones possunt conuenire in radice gratiae, & in liberali communicatione donorum: possunt etiam differre quantum ad aliquos effectus, quia missio Filij illuminat intellectum, missio Spiritus Sancti inflammat affectum, & sic haec Doctrina cadat sub opinione, quia eam impugnauit Aureolus, ubi supra, nihilominus deceptus fuit non distinguendo de radice donorum, et de ultimo effectu ipsorum etc.

Ultima conclusio. Nunquam Spiritus Sanctus mittitur quin mittatur Filius loquendo de missione inuisibili, nec e contra, patet ista ubi supra, quomodocumque mittitur diuina persona inuisibiliter tunc datur gratia gratum faciens, sed quando datur talis gratia illuminatur intellectus ad cognoscendam diuinam bonitatem, et inflammat effectus ad eam amandam, igitur conclusio uera, et si non cadat sub fide, sed sub opinione, quia Aureolus eam impugnauit adducendo pro ipso exemplum Salomonis Ecclesiastes. Cui datum fuit Verbum quo ad cognoscendam diuinam bonitatem, non tamen datus fuit ei Spiritus Sanctus ad amandam, quia erat in peccato mortali, sed deceptus est Aureolus, quia Salomon recepit uerbum inuisibiliter, et etiam Spiritum Sanctum quando ei inuisa fuit Sapientia, dum uero peccauit mortaliter amisit charitatem ex toto, sapientiam uero non ex toto illum amisit, quando qui dem sapientia potest stare cum peccato mortali, non tamen ipsa charitas. Adde hic quod

Quart. 43.  
Cap. 23.  
4. 43. art. 1.  
q. 1. art. 2.  
Octauo.  
Quarto.  
Decimo.  
sexto.  
4. 43. art. 2.  
q. 2. art. 1.  
Decimo.  
quarto.  
4. 43. art. 8.  
Cap. 5.

q. 2. 3. prin.  
Cap. 7.  
Decima.  
quarta.  
Cap. 6.  
Cap. 9.  
q. 43. art. 5.  
Primo.